

靈寶無量度人上品妙經卷之三十七 廿七

七星除妖品

道言昔於北清玄靈天中大魁羅上妙寶華土受元始度人無量上品玄靈妙天內號太虛無上常容天其天帝主名曰總監鬼神居其宮殿思道因緣言我植福位為天帝住不遷界中與北方諸天世界通為一境十方天中及以天下一切大力鬼神國土咸我部屬我以福業故周足神通禁制魔種歸依三清奉太上玉律金科威被鬼爽而今元始上帝當降此天為諸天人十方衆生說無量度人無上法門我今處極真世界聞聽法味實為忻快當與天中聖人僊真一切部察男女等衆速詣玉京恭請元始天尊降此天中為東說法敕命侍香金童都文瑜傳言玉女馮道倩答藥玉九色之蘊索三天降真洞瓊寶香然丹天火玉驛龍捧爐千真奏煙靈幡寶幢奇花珍供百千萬人俱詣玉京蕭臺金闕叩禮元始三說其辭仰祈大慈不違本念降賜天中宣演道法度脫一切開通靈虛使內識

洞玄外伏魔試拜長跪伏俟聖言天尊告曰吾本無形以道為質住此玉京散為五形變神萬億吾今住此見為十方無極世界無量衆生各各演說法要明曉至真示玄清之路汝所居天上千無色下臨崑山傍及北臺幽嶽鬼都無不統御北清玄靈俯及酆羅近於海際密與人境支連貫接人世衆錯臭濁難堪為諸六天遊精八方鬼神殺戮啖食一切人民不滿天壽橫被天傷於三元本命年限運會之上陰謀鬼吏違說冥官妄作災凶種種刑害是致呼魂之聲趣死之哀不絕於耳觀此厄害身繫災疾我今欲下彼天說度人法汝以挺生空洞乘此天位未明至道微妙大法吾以妙无天帝出生三氣三寶天君造立混沌分別萬天使帝闕列峙億真翔集三萬六千日月一時同明吾以是也吾下化為玉宸大混居紫玉寶闕華蓋之下紫微垣中號北極大帝龍衣玄服垂條大弁左右十二元士雷公霹靂居其傍三十六將衛其後五帥四德導其前亦明開圖之初為上清神

公開皇之後為北陰大帝平定功成位居中天紫極之庭十方世界望之不動謂之辰樞者是也然有形皆動惟無形不動北極星與羣星相遠三度有奇而中空者北辰上帝真形也望之炯炯五星輝映榮榮有光者帝座也但可見座豈可遽謁其帝也此北極大帝總制三界星宿鬼神萬神千靈莫不叩頭請命五嶽四瀆山川之神皆再拜伏候乞請水旱風雨北極是吾第五化身位居皇極正統玉帝為祖立太空之元在九宮則號中黃太一衣紫錦袍腰十二流金火鈴狀如嬰兒手把七元口吐青色今居天中蔭華蓋乘斗車履三台席大角坐明堂左右七人服紫繡者北斗七星之精也汝宜往彼請下天中論說法要開度天人天帝聞是說已整冠執圭再拜臣今上請北極帝君降此天宮願聞大法乃與天東辭禮元始下詣中黃紫庭華宸玉闕之下真官導前執法從後徑達北極大帝御前具陳上事再拜作禮辭懇志切涕泗交下帝君被玄龍之服以降旨曰吾上為元始

天尊敷揚至教當允斯請于是天帝垂光俯
 眄北清玄靈太虛無上常容天中寶闕之內
 三氣寶明之殿將昇法座當說是經周理十
 過以召十方始當詣座五天大神七元真君
 上聖高尊太虛真人無鞅數眾乘空而來彩
 霞亘虛雲光四布瓊臺鳳駕羽節金幢雜色
 寶纓箭矚鬱勃洞煥太無七日七夜諸天神
 真日月飛仙星真雲將璇綱玉緯一時停輪
 剛風啓韻豁落流光山川林木緬同玉色土
 變碧琉璃柔明瑩潤眾真侍座北極帝君先嚮
 玉京心拜元始至恭修敬乃登玄空浮光五
 色龍臺之座說經一遍諸天大聖同時稱善
 是時一國男女皆聽北極帝君宣標玄旨無
 量度人七星除祆最上法要說經二遍七星
 明耀玄符見空說經三遍巨斧鑿天山開石
 裂說經四遍乾坤交泰四海澄源說經五遍
 億樂滿空靈香遠馥說經六遍天虹周遍跨
 空成橋說經七遍七真下觀魔精喪膽說經
 八遍鬼帝驚逃萬魔摧伏說經九遍天垂甘
 露珠璣散飄說經十遍鬼神悟道幽品登僊

是時一國是男是女莫不傾心皆受護度咸
 得長生
 道言是時北極帝君說經一遍東方無極無
 量品天斗七星除祆大神無鞅之眾浮空而
 至說經二遍南方無極無量品人斗七星除
 祆大神無鞅之眾浮空而至說經三遍西方
 無極無量品地斗七星除祆大神無鞅之眾
 浮空而至說經四遍北方無極無量品陰斗
 七星除祆大神無鞅之眾浮空而至說經五
 遍東北無極無量品鬼斗七星除祆大神無
 鞅之眾浮空而至說經六遍東南無極無量
 品陽斗七星除祆大神無鞅之眾浮空而至
 說經七遍西南無極無量品道斗七星除祆
 大神無鞅之眾浮空而至說經八遍西北無
 極無量品升斗七星除祆大神無鞅之眾浮
 空而至說經九遍上方無極無量品飛斗七
 星除祆大神無鞅之眾浮空而至說經十遍
 下方無極無量品降斗七星除祆大神無鞅
 之眾浮空而至十遍周竟十方無極天真制
 魔除祆大神一時同至一國男女傾心歸仰

來者各各發心願除累劫以來心不正真穢
 念充塞三尸遊蕩七魄妬害交通鬼氣及諸
 魔類使有法病見道不明難處人天墮入流
 轉乃至證位諸地暫登真階以魔精入心秋
 試惑亂念動塵起支緣傍對起無量因作百
 千業今聞北極大帝宣說七星除祆拔邪護
 正之法開迷翳眼蹈玄清路趣高真品慚愧
 頂禮無鞅數眾佇立傾聽於是北極仰天俯
 地觀察萬景運無量心啓靈寶慧普告大眾
 元始未生曠劫無跡混沌既圻七竅乃張大
 為日月細為星辰日月五星總號七元而配
 屬北斗北斗十二星五星為隱曜斗口之中
 有天一太一二十四玉皇光芒不顯惟七曜
 大明彰示萬方七星之精在人七竅亦分其
 神能視聽言動知識悉皆由也輔弼二星之
 精分降為目中瞳子七星之神有陰魄陽魂
 及正星之神斗中除祆之神有五帥四德七
 千神將天罡河魁大殺大角豁落立斗黑衣
 玄冥七殺之神以滅除兇秋蕩逐魔鬼兆能
 齊心修齋服佩符籙奏告懇祝則七星大神

下降兆所立除妖害有能稽索道要勤企止
清七星之神教兆上道飛昇神僊七祖升度
鍊化自然七星之精三辰五斗九宮八卦之
妙皆在于是聖人之心七星降神華房之內
方寸七室微妙秘諱不可宣泄已登上真後
復為此北極即於法會之中說經都竟眾真
監度以授於我當此之時喜慶難言法事粗
悉諸天復位修效之間寂無遺響是時天人
遇值經法普得濟度全其本年無有中傷七
星垂光光映真形内生玄丹外除妖精傾土
歸仰奉教遵行除魔除幻除妄除想除愛除
有除見除得除疑除邪言中天律口無非聲
齊同慈愛異骨成親國安民豐欣樂太平經
始出教一國以道預有至心宗奉禮敬皆得
度世

霄燦空金錢萬光產魔東形鬼精滅爽回屍
起死白骨成人至學之士誦之十過則七元
降真三界稽首魔精喪眼鬼妖滅矣濟度垂
死絕而得生所以爾者學士欽誦洞章斗元
布氣殺伐妖祥掃蕩穢氣體淨洞真召制十
方威未制天政德可服御地祇束縛魔靈但
却死而已不能更生輕誦此章身則被殃供
養尊禮門戶興隆世世昌熾與善因緣萬災
不干神明護門斯經專妙獨步玉京度人無
量為萬道之宗魏魏大範德難可勝

左據魁右拊魁魁六丁輔兆捕鬼搜尸則
延壽長年後皆得作尸解之道鬼神暫滅不
經地獄即得返形遊行太空此經微妙普度
無窮一切天人莫不受慶無量之福生死蒙
惠上天所寶不傳下世至士齋金寶效心盟
天而傳輕泄漏慢殃及九祖長役鬼官侍經
五帝玉童玉女各二十四人營衛神文保護
受經者身

道言正月長齋誦詠是經七星真君開北玄
之錄校別罪魂斗中司命鍊七星之光導引
冥靈為上世亡魂斷地逮役度上南宮七月
長齋誦詠是經七星魁宮之氣紫光如絃灌
兆泥丸星中大神七人扶脊兆身遊行斗闕
身得神僊諸天書名黃籙白簡削死上生十
月長齋誦詠是經斗中天皇手把七星為兆
除秋赤帝黃老與兆陶魂同蔭華宸坐卧七
星星精入腦真火鍊形泥丸紫君厥諱規英
金床玉帳紫纈錦裙腰帶火鈴除秋滅精福
慶自生位極人臣為國王帝主君臣父子安
鎮國祚保天長存世世不絕常為人君安鎮

其方民稱太平八節之日誦詠是經七星光色連布八方北帝位中九宮齊同一白二黑貪巨爛空下代鬼祖斷遏衰凶得為九宮真人本命之日誦詠是經子魁午魁丑未二宮下臨生位七星迴陽延兆天年賜壽無疆魂神澄正萬氣長存不經苦惱身有光明三界侍衛五帝司迎萬神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二通上聞三十二天心拜三十二過閉目靜思身坐紫青絳三色雲氣之中內外翳冥七星覆頭五藏真氣繞絡身相脾生黃氣出頂成雲存見北極金容天馬千萬青龍白虎朱雀玄武獅子白鶴羅列左右日月照明洞煥室內項生圓

象光映十方如此分明容况曰無上玄元太上道君召出臣身中三五功曹左右官使者侍香玉童傳言玉女五帝直符直日香官各三十二人闡啓所言今日吉慶長齋清室修行至經無量度人願所啓上徹

徑御無上三十二天元始上帝至尊凡前畢引系三十二過東向誦經

元始無量度人上品妙經元始洞玄靈寶本章七星除袂元綱度人天關運幹離合自然天有三魂二景含晶天有七魄七曜流精華蓋曲直三五飛昇紫雲為關綠煙蒙蒙中有北極金城九重山環峯列

玄草垂茸洞戶鬱香清虛八通頭建魁剛足履玄龍手揮碧霞鳴玉叩鐘天丁九首四目老翁秉仗金鉞息滅袂凶璇珠為樞運機惟空真道自然光泛九宮立斗大神霹靂重疊眇莽九醜衣斗乘風吐毒噴火衛世無窮鬼爽窳伏神府靈明青氣灌滌混合百神金闕玉房赤鏡飛光流雲萬丈周遍八冥中有七星除袂之神中有天獸紫極之尊中有景霄太帝之真中有天丁縛龍大神中有玄天黑殺四德五帥之君中有天蓬威化玄曜真君

中有太元真紐綱紀關七星尊神迴骸起死無量度人今日枝錄諸天臨軒東方無極星符神王長生大聖無量度人南方無極星殺神王長生大聖無量度人西方無極星氣神王長生大聖無量度人北方無極星台神王長生大聖無量度人東北無極星藏神王長生大聖無量度人東南無極星使神王長生大聖無量度人西南無極星河神王長生大聖無量度人西北無極星令神王長生大聖無量度人

上方無極星威神王長生大聖無量度人下方無極星根神王長生大聖無量度人十方至真七星除袂神王長生度世無量大神並乘七星耀羅之雲八色光明之輦天馬為馭辟非驂羣六甲備駕天丁揚威徘徊丹霞翔胎僊建翠苑之節流先靈幡前嘯紫鳳齊唱後從玄獸同鳴獅子白鶴嘯歌囉囉天一塔途神兵翼轅億乘萬騎浮空而來傾光迴駕監真度生星宮丞相九霄上官天英主錄元斗大神執錄把籍齊到帝前隨所應

度嚴校諸天七星寶宮七元真君帶月引日
 龍中虎褶蒼舌虎賁北極神君赤書火錄黑
 籍黃文蕩除祿蠶飛屍遊魂斬馘無拘束送
 泰山普告三界無極神鄉泉曲之府北都羅
 鄴三官九署十二河源上解祖考億劫種親
 疾除罪簿落滅惡根不得拘留逼合鬼羣元
 始符命時刻升遷北都寒池部衛形魂七星
 除袂度品南宮死魂受鍊僊化成人身身受
 度劫劫長存隨劫輪轉與天齊年未度三塗
 五苦八難超凌三界逍遙上清上清之天
 帝王真無色之境梵行


天真皇人曰北斗七星除袂之真北極大
 帝代元始天尊說付授雲宮紫房明威真
 人明威位為高真序稱道言理亦有在其
 三十二天者以三十二天為輞二十八宿
 為輪七星為箱二曜為轄北極為樞總於
 四方三十二天枝連蒂固也亦東南西北
 為次每天之色下貫九宮析而為九真合
 而成大洞學者明之
 東方八天



康化盡明天	帝樂統内生
禧提成光天	帝無圖理宗
却宴正緒天	帝宛伯邗
空常梵无天	帝眇逐韓盧
協真司真天	帝剛杜巽陽
朱極玩時天	帝角衣魯招
希微蒙素天	帝阿丹題昌
祖元慶淑天	帝香平彌強

七星真君除袂神符 施有袂處
 東方直符吏八人

南方八天	帝趙天僊長
浩都火象天	帝瑤宗重光
著師滋妙天	帝乾河預沙
章岐善化天	帝定觀生
帝圖上炎天	帝確震曲東
銖覽台賢天	帝靡期无垠
遼方頓微天	




善護鎮星天	帝皇玄越南
變嶽呼雲天	帝婁景瑞長

七星護生神符 房堂中安
 南方直符吏八人

西方八天	帝伏屹偃山
巢平演炎天	帝獸路主基
常鍊相空天	帝琛梁核義
錄齋鏡張天	帝漢羽擊諱
灼華奏素天	帝赫由忌孫
璉祭鼎元天	帝雲延慶標
大始順陽天	帝仇蘭已蓬
正遠感化天	帝耿演符驩
素明耀晏天	帝賈廟社中

七星斬鬼神符 西方直符吏八人



北方八天

皇淵靜極天

帝元晶持關

順明宗化天

帝吳禹神

曆鮮玄都天

帝邊茲倚聰

寥府祐祠天

帝龍輔玉

靈化梵光天

帝嵩統鬱秀

玄玉明天

帝混育九真

六成耀靈天


帝寶真魔

斗芒振感天

帝總丘光

七星除病神符 治一切病

北方直符吏八人



已上七星除祓四符吞帶貼燒及丹書
香水調男女通用

三十二天三十二帝諸天隱諱諸天隱名天
中空洞自然靈章七星之青七星之尊七星
之神七星大魔王七星之靈九和十合變化上
清無量之奧深不可詳八萬四千大小之星
天河九都子真天狼玄身獸狀威禁尊神北
極七星至真之形爾能知之妖氣無干鬼戶
蕩滅元斗飛精神變氣化無量通靈青身三
髻黃目鳥形一十八角十二飛輪或變女子
繡衣丹裙或為老人紫綬玄巾或變赤蛇巨
蟒龜身吐火放煙擲鈴與雲天地未生七星
混冥吳皇聖母生成崑崙七星之精變為七
真首戴玉憤披青佩金梵炁成符上帝玄文
東斗關生碧落乘煙西斗皓華景耀飛天北
斗玄輝變化真僊目奪日光手握天關南斗
赤精乘龍仗攝司執典錄統御無邊中斗帝
氣寶冠垂蓮身御龍袞佩帶五篇前引天剛
萬神莫于青天魔王斌齒元成赤天魔王林
志方生白天魔王文朱育英黑天魔王黃道
玄明黃天魔王合混元精五帝大魔王神之
宗飛行鼓從總領鬼兵魔幢鼓節遊觀太空

自號赫奕諸天齊功上天度人嚴攝北鬱七
星七殺普掃不祥玄龜召氣丹蛇敷張巨靈
擊鐘神妃奏香蒼舌大帥綠齒神王是稟七
星變化威光黑氣翳空海風激揚流火熾然
電女回璫龍旗橫天摧震輝煌魔鬼剝腦杖
黨伏藏三官北鬱明檢鬼營不得容隱金馬
驛呈晉告無窮萬神咸聽三界五帝列言上
清穹碩玉京眇浩無垠元氣成雲紫明寶輪
熠耀太空牢植天根根連風澤洞虛生龍陰
陽交進動化飛騰太光玄甲一十二元身蟠
碧霞背負神淵日月傍流寶初三玄萬化合
景焰灼浮明三十五分二十八辰為天形容
幹運圓羅毳房參尾回旋皓華角九昂胃飛
騰絳霞中有雲網光環帝宮魁魁魁魁魁
懸重七大神王變化天蓬億萬大兵十八目
翁嘯鼓黑氣巨電蒼龍剛風神虎南丹玉童
斬除羣妖賊滅鬼鋒天上天下無幽無冥無
形無影無極無窮溟津大梵遠廓無光七元
威光照滅不祥三辰合明太一奉章玉帝下
觀黃旗召靈空梵成結玉符寶文刻書金簡

混九元陽靈瑞自生玄臺紫堂梵氣彌羅萬
範開張分度流演三十二天旋軫歷房回度
北玄七星炯灼總氣上元八景冥合氣入玄
玄玄中斗星北極高專景太微同會句陳
全真執書簡奏天皇玉音召氣靈化舒光清

虛鬱耀輪轉萬方千和萬合自然成真真中
有神元斗大君元羅帝一黃素飛僊太一司
命桃康合延此諸大神即為七星分化之神
七神在身除祿鍊真天有三台人有三魂天
有七星人有七魄三魂主陽七魄主陰三台

六星虛精六渟合會曲生天尸地尸及與人
尸共為六神招真降靈除滅妖氛執符把錄
保命生根上遊上清出入華房八冥之內細
微之中下鎮人身大洞泥丸絳宮玄氣混合
百神十轉回靈萬氣齊僊僊道貴生無量度

人上運七星飛天法輪罪福禁戒宿命因緣
普受開度死魂生身身得受生上聞諸天諸
天之上各有生門中有空洞謠歌之章七星
靈篇辭參高真

第一七星童子飛空之音

元斗飛杓 廣大真星 日耀電火
誅伏魔兵 司執元化 鎮守天門
首建紫微 擲火流金 回布九道
北極之真 斡旋二儀 總統百靈
三十六童 玉冠珠纓 主校圖籍
持擢生成 威光無量 魔怪潛形
斬邪捕鬼 正道流行 消滅九醜
天清地寧

第二七星玉妃之章

碧雲層層 錦華明輝 中有帝靈
內號玉妃 推籌布策 行天四時
電光豁落 星網陸離 御兵九重
為世除祿 致福却禍 正道昭昭
玉符四飛 萬惡蠲消 元化蕩蕩
貫氣紫霄 一受真妙 形神不凋

戴九履玄宮 周流四象中 太微回靈壇
神府自幽通

第三七星神王歌曰

黑甲橫天 三官列言 真魔神帥
備兵億千 天蓬履元一 坤母啟金扉

離英肇帝真 回光衝大微 龜龜神霄尊
駕龍耕瓊芝 香氣鬱元綱 靈照洞神池
旋步雲羅上 流爛散天谿 二五混玄景
三元陳玉機 綜錯理皇運 御氣合僊飛
丹靈曜幽闕 青童啓霄扉 除祿輔正道

我道日昌輝

此三界之上飛空之中星真歌音參洞章
誦之百遍名度南宮誦之千遍魔王保迎萬
遍道備飛升太空過度三界位登僊公有聞
靈音七星術形救制地祇侍衛送迎拔出地
戶五苦八難七祖升遷永離鬼官魂度朱陵
受鍊更生是謂無量普度無窮有祕上天文
諸天共所崇泄慢墮地獄禍及七祖翁
道言此二章並是諸天上帝及至靈魔王七
星神王僊真隱祕之音皆是大梵之言非世
上常辭言無韻麗曲無華宛皆七星除祿上
真重諱密妙之訣是謂玄奧難可尋詳上天
所寶祕於玄都神霄玉闕東藏依玄科四萬
劫一俾若有至人齋金寶質心依舊格告盟
十天然後而付焉

道言此北極紫微七星大梵隱語諸天大將
五斗大魔無量音舊文始生於北斗玉闕及
三台垣門之上推正七星軌度統制鬼神斬
邪除祿北君之祕文天真皇人昔書其文以
爲正音有知其音能齋而誦之者諸天皆遣
飛天神王下觀其身書其功勤上奏諸天萬
神朝禮地祇侍門大勳魔王保舉上真道備
尅得遊行三界昇入金門此音無所不辟無
所不讓無所不度無所不成天真自然之音
也故誦之致飛天下觀上帝遙唱萬神朝禮
三界侍軒羣祿束首鬼精自亡琳琅振響十
方肅清河海靜默山嶽吞煙萬靈振伏招集
羣仙天無氛穢地無祿塵冥慧洞清大量玄
玄也
元始無量度人上品妙經卷之三十七

靈寶無量度人上品妙經卷之三十八 第八

神符除難品

道言昔於赤靈丹天耀華明輝八威神關受
元始度人神符除難祕奧妙品元始天尊當
說是經周迴十過以召十方始當詣座天真
大神上聖高尊妙行真人無執數衆乘空而
來宸霞映虛翠轂瓊軒華芝寶蓋明彩纏輝
萬光清燦圓景合辭五日五夜諸天妙氣交
文煥落龍光鳳徊鬱鬱自然一時成章靈風
爽徹星宿停輪萬景廓奕氛穢消澄一國地
土山川林木七寶凝華緬平均等無復高下
土皆作瑞雲浮鬱離羅之色衆真侍座元始
天尊玄坐空浮八靈九變神圖玉局之上說
經一遍諸天大聖同時稱善是時萬界廓清
靈風散煙天發玄瑞地發祥慶會咸臻普
及含生說經二遍第八魔癘滅形丹刻麗空說經
三遍災疾消除說經四遍自然靈章映現八
虛說經五遍人民達悟符章之因說經六遍
敬奉靈文皆獲道真說經七遍寶章玉書開
度無窮說經八遍三光妙氣灌絡形神說經

九遍苦魂受化鍊度朱陵說經十遍國祚安
鎮永保升平是時一國是男是女莫不傾心
皆受護度咸得長生

道言是時元始天尊說經一遍東方無極度
符神王至真大神無執之衆浮空而至說經
二遍南方無極度符神王至真大神無執之
衆浮空而至說經三遍西方無極度符神王
至真大神無執之衆浮空而至說經四遍北
方無極度符神王至真大神無執之衆浮空
而至說經五遍東北無極度符神王至真大
神無執之衆浮空而至說經六遍東南無極
度符神王至真大神無執之衆浮空而至說
經七遍西南無極度符神王至真大神無執
之衆浮空而至說經八遍西北無極度符神
王至真大神無執之衆浮空而至說經九遍
上方無極度符神王至真大神無執之衆浮
空而至說經十遍下方無極度符神王至真
大神無執之衆浮空而至十遍周竟十方無
極主領神符度符神王天真大神一時同至
一國男女傾心歸仰來者有如雨霧交集無